

Ár 2013, fimmtudaginn 16. maí, kl. 8:00 kom bæjarráð saman til fundar á skrifstofu bæjarins.

Mætt voru: Ninna Sif Svavarsdóttir, Jóhanna Ýr Jóhannsdóttir og Unnur Þormóðsdóttir í forföllum Guðmundar Þórs Guðjónsson.

Ennfremur sat fundinn Aldís Hafsteinsdóttir, bæjarstjóri sem ritaði fundargerð í tölvu.

Ninna Sif Svavarsdóttir formaður setti fund og stjórnaði.

Leitaði hún eftir athugasemdum við fundarboð en engar komu fram.

Eftirfarandi fært til bókar:

1. Bréf sem borist hafa frá:

1.1. Landskerfi bókasafna frá 10. maí 2013.

Í bréfinu er boðað til aðalfundar Landskerfis bókasafna hf. föstudaginn 24. maí kl. 14:30.

Bæjarráð samþykkir að forstöðumaður bókasafns verði fulltrúi bæjarins á fundinum.

2. Tæknileg málefni:

2.1. Minnisblað frá umhverfisfulltrúa vegna hátíðarinnar „Blóm í bæ“ frá 14. maí 2013.

Í minnisblaðinu er farið yfir stöðuna varðandi Blóm í bæ og þær hugmyndir sem uppi eru um sýninguna til framtíðar.

Bæjarráð samþykkir að Garðyrkju- og blómasýningin „Blóm í bæ“ verði haldin næst sumarið 2014.

Það er ljóst að sýningin hefur tekist með miklum ágætum undanfarin ár. Hún hefur mikið gildi fyrir græna geirann og gróðurmenningu í landinu enda er ríkur vilji til áframhaldandi þátttöku hjá þeim aðilum sem komið hafa að sýningunni undanfarin ár. Bæjarráð er sammála þeirri stefnumörkun að við undirbúninginn verði lagðar nýjar áherslur sem tryggt geta að sýningin haldi þeim vinsældum sem hún hefur notið. Við undirbúninginn verði horft til þess að græni geirinn í heild sinni fái sem best kynnt starfsemi sína. Jafnframt verði stefnt að þátttöku erlendra aðila á þessu sviði og þar sérstaklega horft til blómaskreyta. Stefnt er að því að sýningin árið 2014 verði ekki síður glæsileg en þær fyrri og gestir sýningarinnar og þátttakendur verði sem fyrr ánægðir með upplifunina.

Bæjarráð samþykkir að skipa eftirtalda aðila í undirbúningshóp fyrir sýninguna árið 2014: Bjarna Jónsson, Hrönn Óskarsdóttur, Ingibjörgu Sigmundsdóttur, Elínborgu Ólafsdóttur, Morten Ottesen, Guðríði Helgadóttur, Kristinn H. Þorsteinsson og Aldísi Hafsteinsdóttur. Hópurinn skipi starfshópa og kalli til aðra aðila eftir þörfum.

2.2. **Minnisblað frá menningar- og frístundafulltrúa vegna hátíðarinnar Eden Ísland frá 14. maí 2013.**

Í minnisblaðinu er fjallað um fyrirhugaða alþjóðlega tónlistar- og uppskeruhátíð sem til stendur að halda í Hveragerði dagana 6. – 8. sept. 2013. Hugmyndasmiðir hátíðarinnar eru þau Gísli Þór Guðmundsson, (Gis von Ice) og Lovísa Sigrún Elísabetardóttir (Lay Low). Gert er ráð fyrir að aðaltónleikasvæðið verði í Lystigarðinum á Fossflöt. Tónlistarlega verður áhersla lögð á þjóðlagapopp og rokk tónlist. Matarmenningu í héraði verður einnig gerð skil með fjölbreyttum hætti.

Bæjarráð fagnar þeim metnaðarfullu hugmyndum sem settar hafa verið fram og telur að hátíð sem þessi falli vel að stefnumörkun bæjarins. Bæjarráð mun taka ákvörðun um framlag bæjarins til hátíðarinnar þegar nánari útfærsla liggur fyrir.

2.3. **Minnisblað frá bæjarstjóra vegna sorphirðu, endurvinnslu og jarðgerðar frá 14. maí 2013.**

Í minnisblaðinu leggur bæjarstjóri til við bæjarráð að núverandi samningum um sorphirðu verði sagt upp og farið verði í undirbúning almenns útboðs á sorphirðu í sveitarfélaginu.

Bæjarráð samþykkir tillögu bæjarstjóra.

2.4. **Minnisblað frá bæjarstjóra vegna uppsagnar leigusamnings í Sunnumörk frá 14. maí 2013**

Í minnisblaðinu leggur bæjarstjóri til við bæjarráð að leigusamningi í Sunnumörk, nánar tiltekið rými Upplýsingamiðstöðvar, verði sagt upp og bæjarstjóra falið að hefja viðræður um áframhaldandi leigu á sama rými miðað við breyttar forsendur.

Bæjarráð samþykkir tillöguna.

3. **Fjárhagsleg málefni:**

3.1. **Tillaga að viðauka við fjárhagsáætlun frá leikskólanum Undralandi frá 13. maí 2013.**

Forstöðumaður leikskólans Undralands fer fram á 1.566.936 kr aukna fjárveitingu á lið 04-11 1110 vegna veikinda starfsfólks.

Bæjarráð samþykkir viðaukann sem færast af lið 21-01-9980.

3.2. Minnisblað frá bæjarstjóra - laun í vinnuskóla frá 13. maí 2013.

Í minnisblaðinu er gerð grein fyrir tillögu um laun og vinnutíma nemenda í 8. -10. bekk við GÍH sumarið 2013. Tillagan felur í sér 4% hækkun á milli ára.

Bæjarráð samþykkir tillöguna.

3.3. Opnun tilboða, klæðning útveggja mynd- og handmenntahúss að Breiðumörk 24 frá 13. maí 2013.

Útboðið var opið útboð og fór fram 13. maí 2013.

Eftirfarandi aðilar gerðu tilboð í verkið:

Agnar Pétursson,	7.344.034,-
Arnar Ingi Ingólfsson,	6.258.210,-
Máni Verktakar ehf,	7.439.510,-
Óli Þorleifur Óskarsson	3.691.800,-
Trésmíðar Sæmundar ehf.	5.486.400,-
Kostnaðaráætlun Magga Jónssonar:	5.032.500,-

Bæjarráð samþykkir að fela skipulags- og byggingafulltrúa að ganga til samninga við lögstjóðanda enda uppfylli hann skilyrði sem sett eru í innkaupareglum sveitarfélagsins.

4. Fundargerðir:**4.1. Frárennislagnir Laugaskarði, göngustígur Breiðamörk frá 6. maí 2013.**

Fundargerðin samþykkt.

4.2. Frárennislagnir Laugaskarði, göngustígur Breiðamörk frá 14. maí 2013.

Fundargerðin samþykkt.

5. Fundargerðir til kynningar:**Fulltrúaráð Eignarhaldsfélagsins Brunabótafélag Íslands frá 19. apríl 2013.**

Fundargerðin lögð fram til kynningar.

6. Framtíðarsýn og möguleikar, umræður.

Bæjarráð samþykkir að fresta umræðu til næsta fundar.

Fundargerð upp lesin og samþykkt.

Fleira ekki gert og fundi slitið kl. 9:50

Ninna Sif Svavarsdóttir, (sign)

Jóhanna Ýr Jóhannsdóttir , (sign.)

Unnur Þormóðsdóttir, (sign)

Aldís Hafsteinsdóttir, (sign)